



Als geniturs ed a las persunas
responsablas per l'educaziun
dals uffants da scola
en il chantun Grischun

Cuira, ils 6 da mars 2024

Diever da vehichels electrics da trend

Stimads geniturs e stimadas persunas responsablas per l'educaziun

Il boom da meds da traffic da trend cuntinuescha. I n'è betg da survesair, che las scolaras ed ils scolars en il chantun Grischun dovran sin lur via da scola ed en lur temp liber pli e pli er vehichels electrics da trend, saja quai e-bikes, e-trottis, e-scooters u auters. En quest connex constatain nus adina dapli fauss cumportaments che resultan savens d'ina mancanza da savida.

Per quests motifs vulain nus gugent As infurmar davart las prescripziuns las pli impurtantas:

- Tut ils vehichels electrics da trend dastgan vegnir duvrads pir a partir da 14 onns. Ultra da quai sto la persuna posseder il permess da manischar da la categoria M (mopeds) u G (vehichels a motor agriculs e forestals). Persunas da 16 onns e pli veglias dovran in permess da manischar da la categoria M u G mo per e-bikes svelts.
- Igl è scumandà da charrar cun vehichels electrics da trend sin ils passapes. Quests vehichels tutgan sin via ed i valan las reglas da traffic ed il cumportament da charrar sco tar ils velos.
- Ils vehichels electrics da trend ch'ins po cumprar sin la fiera èn vehichels d'in plaz. Viadis da duas u dapli persunas a medem temp èn scumandads.
- Ils vehichels electrics da trend ston charrar cun glisch er da cler.
- La chapellina n'è betg obligatorica en mintga cas, vegn dentant adina recumandada.
- Ils vehichels electrics da trend, sco il smartwheel electric (hoverboard), la monoroda electrica (monowheel) ed il skateboard electric, n'èn betg admiss per il traffic e na dastgan betg vegnir duvrads sin vias publicas.

Ina survista detagliada davart las disposiziuns legalas dals singuls tips da velos e vehichels da trend sco er in fegl d'infurmaziun ed in nov flyer «Velos e vehichels da trend – Tge vala?» chattais Vus tranter auter sur il suandant code:



Voss uffant survegn las infurmaziuns essenzialas davart ils vehichels da trend en l'instrucziun da prevenziun che la polizia porscha a partir da la 1. classa primara fin a la 3. classa superiura.

Per Vossa cooperaziun a favur da la segirezza da Voss uffant en il traffic sin via As engraziain nus zunt fitg.

Salids amicabels

A handwritten signature in black ink, appearing to be 'M. Trinkler'.

Adj suff Marcel Trinkler
Schef dal post specialisà Prevenziun
Polizia chantunala dal Grischun

Salids amicabels

A handwritten signature in blue ink, appearing to be 'R. Bonderer'.

Psgt René Bonderer
Manader dal sector Instrucziun da traffic
Polizia da la citad da Cuira